

Enformaziuns y Comunicaziuns

Jènn - Aodanza dal ploan: A düc i pelegrins co tol pert al pelegrinaje en Jènn ti aodunse döt le bun, bona orenté de testimonianza y i periun che ai se tòli empara dōta la Comunité y dandadöt la jont co sofrësc y à crusc da porté. Dër bel iolan!

Prozesciuns: En domëgna ai 14 de jügn, Festa dal Sacher Cör de Gejù, dò la Gran Mëssa, è düc chi co à fat en sorvisc ples prozesciuns dër bel enviës da gni te calogna bas ete a se bëre val.

Jogn: En domëgna ai 14 de jügn organisëia le grup SKJ Jogn Al Plan da jì a fà i füs por la festa dal Cör de Gejù. Chi co oress fà empara dess se lascé adentëne anter i 12 de jügn pa Paul da Pederü al 347/5539149.

Seniorenclub: Le Seniorenclub Mareo va en dédemesaledema ai 10 de jügn a Teis a vijité le museum dai minerai. An pëia ia ales 13:00 dan le Cone. Chi co è bogn da jì a pè, pò jì da Albeins a Teis. Al è da s'anunzié danfora pa Lidia Taibon al nr. 339/7899107.

ASC Mareo: Al vën chirì mituns/jogn nasciüs dal 2002, 2001, 2000 co ess enteres da sóghé al palé pa na squadra y t'en campionat. Al è da se lascé adentëne pa Marco Mutschlechner al nr. 338/4274261.

Apoteca: L'apoteca d'Al Plan sarà slüta dai 14 ai 21 de jügn.

Biblioteca: La biblioteca "Angelo Trebo" sarà slüta dai 15 ai 28 de jügn. De messé y agost sarà endere inçe daverta le dédölönesc sëra, dales 19:30 ales 21:00.

Conzert: La Scora de Musiga Val Badia enviëia dër bel al conzert de concluiun, en lönesc ai 8 de jügn ales 6 da sëra, sön paiun dla musiga d'Al Plan.

Referat: En dédemesaledema ai 10 de jügn èl tal salf dal Istitut Ladin ta San Martin en referat dal titul "La fin dai scioldi - y spo pa?" Referënt è le dr. Paul Kircher (Counselor, Coach y econom).

Jita: Chi dal 1960 dla Val Badia s'encunta en sabeda ai 20 de jügn. An s'encunta ales 13:30 sö San Linert, por jì a pè cina sö La Crusc. Enlò sarà ales 16:00 na liturgia dla Parora. Al è inçe la poscibilité da roé sö cole lift o da d'atri versc. Ales 19:00 cëna tal Garni Ciasa Urban sön Badia. Prenotaziuns cina ai 14 de jügn pa Paula: paulaagreiter@hotmail.it, SMS, WhatsApp, tel. 338/1807072.

Impressum: Ploania d'Al Plan, str. Catarina Lanz nr. 46, 39030 Al Plan de Mareo.
Comunicaziuns - cina al dédemesaledema sëra - da mené a: Pablo Palfrader
Tel. 333 4762010 Mail: ploaniaalplan@gmail.com
Download plata: www.comun.mareo.bz.it o inçe www.valbadiaonline.it



Ploania
d'Al Plan
de Mareo

La plata de
Ploania

E-Mail: ploaniaalplan@gmail.com - Radio de Ploania: 93,00 MhZ
Telefónn y fax de calogna 0474/501006

Solenité d'Les Antlès, ann B, ai 07.06.15 - nr. 28




福若瑟
VAL BADIA

Tolede, cösc è mio corp!

Dal Vagnele do San Merch 14, 12 - 16.22 - 26

¹⁶I discepui s'ä motü sön tru y è roës tla ciüté. Ai à ciafé döt desche Gejù ti à dit y à arjigné ca le past da Pasca. ²²Dertan le past àl tut le pan y à dit iolan, l'à rot jö, ti al à dé y à dit: Tolede, cösc è mio corp. ²³Spo àl tut le caresc, à dit iolan, ti al à dé y düc à boü d'enfora. ²⁴Y al ti à dit: Cösc è mio sanch, le sanch dl'alianza, co vën spanü por trec. ²⁵Amen, i ves diji: I ne boarà nia plü dal früt dla vigna cina en chël dé, ch'i nen boarà danö tal rëgn de Dio. ²⁶Dò la ciancia de lalt ësai jüs fora sön la Munt dal Ori.
Parora dal Signur. - Lalt a té, Gejù Crist!



Reflesciun söla festa da encö

*Canche te t'an vas, romagnel
zoruch val' de te pal ater:
töa fotografia, töa lëtra,
töa scincunda.*

*Canche Gejù
ea con sü amisc da sëra pal past,
àl tut le pan y à dit:
"Cösc sunse iu, mia vita ofrida por os."*

*A cösc ti dijunse mistër dla fede,
deache al è val' de grandius
y de straordinar,
canche zacai ofrësc söa vita
por i amisc.*

*A forza de l'aldi, mo vëgnel saorí
fora dla bocia. Mo al resta en mistër.
Al romagn na scincunda de So amur.
Èl è tal pan, mà atlò por nos.*

*Canche tö LE toles sö,
vëgneste porté ete
te cösc movimont
co te condüj
adencuntra al proscimo.*

*Ciafé le corp de Gejù ô di:
Donté corp de Gejù,
Comuniun tla fede,
Comunité. (Parores por vigne dé)*

Domègna: 07.06: Festa sol. dles Antlès: Corpus Domini



Oferta por i bojügn dla Ploania

8.30: S.M. a La Pli

9.30: S.M. sol.ciantada en renger y onù dal Eucaristia
**Prozesciun Eucaristica: por le paisc
Vangeli y Benedisciun**

14.30: Espi a La Pli

18.00: Prozesciun d'Les Antlès a Mantëna
Benedisciun dai punç y dai rüs

Lön. 08.06: **Feria dla 10. Edema: Sa.Helga, S.Engelbert**

7.20: S.M. por +nc' de Ida Taibon

S.M. en onù de S.Antone abate, por i tiers te munt

S.M. por +nt Hermann Trebo dal Schneider

S.M. por les Püres Animes

S.M. por +nt Zucchelli Giovanni

S.M. por +nta Rosmarie Mutschlechner Auer

Dédol. 09.06: **Feria dla 10. edema dal ann: S.Efrem, Sa.Grazia**

7.30: S.M. a La Pli

Dédem.10.06 **Feria dla 10. Edema: Beat Heinrich da Balsan, Sa.Diana**

18.00: S.M. por +nt Adolf Ties, Valiares

S.M. por +nc' Ties Agnes y Heinrich dal Nora

S.M. de renger. en onù de S.Ojöp da Oies

por Fam. Videsott Andrè, Al Plan dessora

S.M. por +nta Hainz Flatscher Magdalena

Jöbia 11.06: **Festa de S.Barnaba, Prozesciun en Jenn**

7.30: Pelegrins de Jenn peia ia dla dljia demez

19.30: S.M. a La Pli

Vëndr.12.06.: Festa dal Sacratiscimo Cör de Gejü

ca. **9.00:** en Jenn S.M. sol: pelegrins con le Vesco

7.10: S.M. por i scolari (por i pelegrins)

S.M. por +nc' Obojes Rico y Purghele, Craizer

S.M. por +nc' Siurs Bruno Maioni, Giovanni Comploi y Matio Rigo

S.M. por +nc' geniturs Prousch y Perathoner

Funziun dal Sacher Cör de Gejü

19.30 S.M. a La Pli

Sab. 13.06.: **14.00:** **S.Maria Addolorata: S.Antone da Padua**

Domisdè: al vëgn tut ete i pelegrins co è de Jenn

17.00: Poscibilitè da se pissiè

18.00: S.M. por +nc' Italo y Manlio Marcocci

S.M. por +nc' Erlacher Jakob, y Rosina de Corcela

S.M. por +nt Albert Mutschlechner dal Pech

S.M. por +nc' D'Amico Carlo y Pia Monti

Domègna 14.06: Festa dal Sacratiscimo Cör de Gejü

Oferta por i bojügn dla Ploania

8.30: S.M. a La Pli

9.30: S.M. sol.ciantada en onù dal Sacratiscimo Cör de Gejü
**Prozesciun Eucaristica: por le paisc
Vangeli y Benedisciun**

La prozesciun se rōa te dljia con la ciancia "Auf zum Schwur"

14.00: Espi a La Pli



Regolamont por la Prozesciun de Jënn, 11 - 13 de jügn 2015

1. An va en Jënn con la bona intenziun da **jì por Sanç**; por perié (di la Corona), cianté, tò pert ales funziuns tles dljies.

An **prëia**: por söes intenziuns (famiglia, amisc, benefaturs, sanité, laür, bona racoüda, fortuna y benedisciun, la comunité y por i defunc...) mo inçe dô na **fede sterscia** y sana, por les Ploanies, dô Vocaziuns, dô la pêsc, por les porsones responsables tla vita dla Dljia y dles comunitès.... eniann inçe por **la Sinoda** por en renovamont dla fede y vita cristiana. I àn pa inçe tan **da rengrazié!**

2. An peia ia ales **7:30h** da dljia demez. Por düc èl a desposiziun le **liber** de Jënn, parti fora en chël dé denanco pié ia.

3. I àn porsones co porta le **crist** y sogü inçe co **dij dant**.

4. **Perié**: Düc è bel enviès da perié y cianté empara con devoziun y fede; no stede a ciacolé y a desturbé a val' manira. Sce valgügn ne prëia nia, spo vëgnel na ločia y an ne s'alda nia plü. Porchël fössel dërt sce chi jess enultima. Chi co dij dant stà amesa la prozesciun. Tolésse la spaternöra!

An dij: **Nosc Pere sō al ci... desco sō al ci...**

5. I tignun sō en **bun comportamont** y sōn en dër iestimont da peregrins (nia mǎ de bogn cialzà, mo inçe iestis endortōra, nia con braies y magnes cōrtes. I orun inçe desmostré cherianza tles ostaries, botëghes y tles ciases.

6. An dess sté poscibilmonter tal **medemo post** tla prozesciun y pal medemo compagn. An se fej plü saori da s'aruncé sō canch'an pëia endō ia.

7. I ciarun da gni da Jënn poscibilmonter düc te dljia a **slü jō deboriada** con na oraziun/funziun y ciancia ("Gran Signur" o "Auf zum Schwur") y la benedisciun.

8. Al è bel sc'i podun jì trec y s'aodun dis de spiritualité y renovamont tla fede! Prëitambel y iolan a chi che sorantol sorvisc.

Signor Degan

Sorvisc dai Ministronc

Lönesc 08/06 (07:20h), Dédemesaledema 10/06 (18:00h), Vëndres 12/06 (07:10h): Caroline y Herbert Piazza;

Sabeda 13/06 (18:00h): Anna Chierchia, Max Maneschg, Lisa Comploi, Catarina Frenner, Samuel Castlunger, Alex Rubatscher;

Domègna 14/06 (09:30h) Cör de Gejü: Luca Comploi, Matteo y Maria Huber, Susan, Claudia, Mike y Alessia Kaneider, Sebastian Mutschlechner, Miller Suani, Elisa Coppola;

